

ME HYƐ ASE WƆ NYANKOPƆN NE DZIN MU, ƆDOMFO, MBƆBƆRHUFO NO.

Fida Nyamesemka: Ebowbira 23, 2013.
(Friday sermon – 23rd May 2014 – Fante Translation)

AHMADIYY KUW A ƆYE FASUSU NO.

Hazrat Khalifatul Masih krantsee Koran ne kyefa yi dze hyeƐ ne nyamesemka no ase nde.

Na okraa biara nkwowu gyede Allah ama ho kwan nhyesem a wabɔ no fua ato ho. Na obiara a ɔpe wiadze yi mu akotua no, Yede bema no, na obiara a ɔpe nkwa a ɔbeba ho akotua no, Yede bema no, na ampaara Yebema nyia ɔye ndaasefo no akotua.

Na akomhyefo pii etwa mu ko a wotaa nyamesuro dzi ako. Wɔannto bitsi wo fona a onam Allah ntsi wofonae, anaade woyee mberew, anaade woguu ho enyim ase wo ho atamfo enyim, Na Allah do hon a wogyina pintsinn no.

Na wɔanntow hon ano famfa mu, mbom woka de: Hen Ewuradze fa hon mfomdo kye hen na hen ntoyee a ɔtrado wo hen ndzeyee mu, na ma yentsim na ko hen mboa wo tsia hon a wɔnngye nndzi no.

Dem ntsi Allah dze wiadze yi mu akotua maa hon ɔnye dza odzi mu mapa so wo da nkwamba na Allah do hon a woye paa(sura Ale Imran, 146-149) mma hom nndwen hon a wɔnam Allah no kwan do ntsi woekunkum hon no, de woewuwu, Nabida wotse ase wo hon Ewuradze enyim ma wɔrohwe hon yie.

Wogyee hon enyi onam dza Allah nam N'ayemuyie do dze ama hon no ntsi, na wodzi dew ma hon a wowo ekyir no a wonnya mbekaa hon ho no osiande suro nnkeba hon do anaade wobedzi awerehow. Wobegye hon enyi wo Allah N'enyimpa na N'adoye ho, onam de Allah mmo agyedzifo hon akotua nnye kwa, (sura Ale Imran, 170-172)

Ɔye Nyankopon N'adom na N'enyimpa wo Anohoba Mesia (NN) no ne Jama'at no do de ɔdze dom a wowo ntsease a ɔfa no anohoba sunsum onnye aforbɔ sunsum na nnye de wotse aforbɔ sunsum ase nkwotsee mbom woda no edzi a mfatoho pii yehu no wo hen mber yi mu. Se ɔba no sika mu aforbɔ a, Ahmadiyya na woda no edzi, se mber ho aforbɔ a, Ahmadiyya na woda no edzi, se mber ho aforbɔ so a Ahmadiyya na woda no edzi, se mber ho aforbɔ so a Ahmadiyya Jama'at kyere ndzeyee a ɔdzi mu mbordo. Mfatoho a ɔfa no enyimunyam ho aforbɔ no wo Ahmadiyyafo ho wotu honho ma Islamsom ne ntahyee na se yebohu nokwar obramu aforbɔ a Ahmadiyya Jama'at abakosem abo no ɔdabaa. Se yetwa no sin a aforbɔ biara a onam Nyankopon ne mbrasem do no eso woye ma Nyankopon no, Ahmadiyya Jama'at na woyi kyere.

Mber yi mu Nyankopon dze kuw be edwir Anohoba Mesia (NN) no do hon fa kese ara tse ndzembra ho, ɔbra ho, mber ho na enyimnyam ho aforbɔ ho ase na woye krado de wobo afor. Mbom, ɔɔfabi a, onam de hen nyimdzee to sin anaade honam mberew ntsi obinom ka nsem a otsia nokwar gyedzinyi n'enyimnyam na iyi botum aka hon a wonyaa ntsetsee wo ɔbrapa ho yie ahye. Obinom mpo kyerew kema Huzoor de hon mber a wadze wo nsɔhwe mu ho ano rowar dodow. Se nsɔhwe mber no war a, Nyankopon mma ɔnye mberew. Nkwomhyefo ekuwekuu na nokwar agyedzifo wo gyedzi wo ndzembra a onam Nyankopon ne mboa do hon nsa ka no. Mbom, otsia gyedzi n'enyimnyam de ɔbotwer wiadze akwan a wodua do nya mboa.

Mfatoho bi nye de obi kyereew Huzur see de atsetsee a wodge rehye Jama'at a wowo Pakistan no womfa nko MTA hon nhyehyee ho dwumadzi mu na wonhwehwe akwan horow so obema dem akasa wiadze yi mu atsetsee a wodge rehye nkorofu ho. Krataa no rekyere biribi de hen so yebodua wiadze akwan bi do aye dede na yeada hen ayewdzi edzi ma aban ahorow a wotsia hen no ehu na ehu na wotwe hon adwen aako nyimpa ne eyiedzi no na dem mber yi a yeruhu amandze yi etwa mu. okyereew bio so de ne nyenko aka Shia kuw noho kaa kyere no de dza wodge reye Ahmadiyyafo yi se Shiafo na wori hyia dem a nkye wobeye kasatsia ehyiadzi pii na woye nnyekyerere na wako otsia wo wiadze yi se atsetsee no sua demara mpo a! Okaa de Ahmadiyyafo nntsia dza wodge reye hon no yie na onam dem ntsi n amber a wodge retsetsee hon no awar no.

Dzaowo de yedzi kan kae nye de se yede yeye Odomankoma kuw aowo de yehu de dem kuw yi nya gyedzi bi a odze noho twe wiadze aban eso yeye dede tsia. Nyimpa nsa nnyi mboa dze ma Odomankoma kuw ne kanko. Eso wiadze mboa no aber biaraowo mbataho, wonnfa mboa ber aowo a woproba no nnkehye hon nhyehyee ase, nokwar agyedzifo no nnkedzi eyi do. Wosere ho mboa fi Nyankopon ho na wotwer no nkotonoo Se yehwehwe Nyankopon no mboa wo ber a yeko ahokyer mu a Oue akwar fofor a odze kanfo na mpuntu ba, mber yi mu Ahmadiyyafo apetse wiadze ne fenandze nyinara, wo nkurow ahaebien na anamu (204), iyi ye dasedze kyere de hen atsetsee rubujebue nkunyimdzi akwan ma Jama'at yin a yerutwa mu ko sorsor. Onnyi de yetsetsee de hen atsetsee wo onam kor mu n'ano kwan awar. Dzaowo de yebow no enyikam nye de Nyankopon Ne nhyira roko do mbordo mbordo ma Jama'at. De mber yebodua wiadze kwan do edzi hen dwuma no, ampara,owo de yeye dem na onam Nyankopon N'adom ntsi yefa dem akwan yi do de mber ose eso ofata. Yema wiadze hu atsetsee a yewo mu na yeka kyere hon de se wamma yeannka ennkua ennsiw ano a, onobetahye. Naaso, yenntwer aban biara anaade nyimpa n'enyiedzi kuw biara, mbom yetwer Nyankopon nkotonoo. Iyi nye asemowo a Huzur akyerekyeremu wo ne nyamesemka mber kakra etwa mu yi de agyedzifo wo de aber biara wodge hon enyi to Nyankopon nkotsee do wo hon kosu na hon basu nyinara mu.

Huzoor dze yee mfatoho bi faa nkorofu a wodzi wiadze ekwir no ho de dawurbo krataa aowo ha kyereew nsem bi de Muslimfo a wowo man yi mu no nndzi perper mma man no, dem ntsiowo de wopam hon. Hen asoee a ohwe dawurbo nsem do no yii ano de nsem a otse dem no nnye nokwar mbom Islam kyere de yendzi perper mma oman no Mbra na yendo hen man. Wosanee buaa hen de dem su yi nnye Muslimfo nkaa no suban ntsi yenkyerew afotusem mma hon. yegyee too mu de se yebekyerew afotusem a otse dem no a, onogyede hon nso gye to mu de wobobo no dawur. Osamufu no anaa edwuma no mu panyimfo no anngye nnto mu na wokaa de wowo ndzamba pii bo ho dawur mbom nna hon siantsir ankasa nye de wonnyi akokodur a wodge beye iyi. Nna wommp de wobeye biribi a Muslimfo nkaa no a wotsia Ahmadiyyafo no enyi nnkegye onam suro a wosuro hon nye hon etsiodzen ntsi.

Kwan a wiadze nkorofu no afa ye basabasaye na mansotwe na etsiodzensem na wodge amenhye hyia atsetsee osiande wonnyi sunsum mu anohoba biara a okyere nkunyimdzi kese no ye hon dze. Na hen dze Oahye hen bo de kansa oman boa ma wotsetsee hen mpo a, Nyankopon ahye de wobema hen nhyira a wodge dom egyedzifo anokwafo a onam Nyankopon N'adom soronko do. Oahye hen bo de, hen aforbo nnkeye gyan na nkunyimdzi kese no beye hen dze. Osi pi ye nokwar de kwan a yebotum afa do enya dem nkunyimdzi yi ara nye mpaabo. Dodow a yerobo mpaa na dodow a yeye etuhoakye dze ma hen Awuradze no, ne ntsem ho na Obeda nsenkyeredze a oye nwanwansa edzi wo hen akwan. Ampaara de

hen adwendwen ye soronko koraa fi adwen a wiadze nkorofu wo ho. Yeaye onyia no a Nyankopon dze nkunymdzi hyee no bo no ne Bai'at a henara yedzi ho dase. Huzoor de, de mbre Shia kuw nye ekuwekuw wo ho no, onnhu de woennya hon faahodzi onam de wofa wiadze mansotwe kwan, mbom dza yehu de osisi ara nye de wodze atsetsee tua atsetsee kwa na iynom nye dza hen Ahmadiyyafo yennkeye ara da.

Huzoor kaa de ber to ber no oka kyere hon banodzifo nye nsenkyerewfo no de se asomdwee betsim a ono gyede yedzi perper na yeyi akohwi akwa. Hon mu binom gye to mu de kansa wonnkeka no bagua mu mpo a, wowo hon botae wo nhyehyee a wodzi do mu. Yebeye den dze hen enyi ato nkorofu a woye ndabrabafo. Dawurbo krataa no nnyee kradow de wodze nsem a kyere odo ma obi ne man boto gua. Hon a wokyerere hon adwen de oye a yenhwehwe wiadze akwan nye mboa no ndwen ho yie ana yebeye den ahwe dem nkorofu yin a yeebisa hon mboa. Se Ahmadiyyanyi biara betse awerehyemu nye gyedzi wo Nyankopon mu ase yie na wodze ako nyee do a, atsetsee biara oroko do wiadze afenandze beebiara tsia Ahmadiyyafo no, mpaabo nkotsee besesa biribiara. Mbom, nhyehyee nye de owo de mpaabo no nya botae. Ampaara de, wo Pakistan nye aman nkaa bi mu no wotsetsee Ahmadiyyafo ara yie, mpo wo mbeambea bi mu no woye iynom nyinara wo mbra no dzin mu. Mbom iyi annhye ase wo mber kakraabi a abesen ko no mu. Nokwar nye de dem atsetsee yi hyee ase wo ber a Anohoba Mesia (ANN) no daa noho edzi na otseww ne Jama'at yi. Mber bi bea a onyaa pe bi de nkye ontu amantu mfi n'egyanom asaase do a oye Qadian a dem asaase no ye hon ebusua asaase.

Yedan hen enyi hwe abasem mu a yehu de Nkomhyenyi Kronkon (NNN) n'abrabo nyinara ye mber a nna n'atamfo kyere enyitan. Abrabo ben na ne yer (Khadijah) a nna obaa oguadzinyi mapa na oye Makkah adzefo no mu kor boe wo ber a obeyee Muslimnyi no. Wo ne mberwaye mu no nna fie mpo onnyi bi na odzii mber tsentsen wo ture bi a mu woetwa no esu, nna edziban nye ndzembra nketsenketse bi a nyimpa hia wo abrabo mu mpo nnyi ho na mber a odzii wo ho no dze no koo owu mu. Iyi nye atsetsee a ofaa mu wo Islam dzin mu ntsi de n'eyi da do de sunsum mu anohoba bi wo ho ma no. Demara, Nkomhyenyi Kronkon (NNN) no so faa ohaw nye atsetsee mu. Ne mfe du ebiasa abrabo wo Makka no ofaa atsetsee nye etsiodzen mu a odze akokodur nye enyiodzen faa mu. Se woka kyere no de omba mpaa ntsia obi a mbom obo mpaa ma hon akwankyerere na ber a wosiiw no abo ma mbogya guaar no no wo da a ofree no da bon wo n'abrabo mu no, Nyankopon bisaa no de ana Onsee n'atamfo no anaa na oboo mpaa maa hon de Nyankopon mma hon bonfakye kyerekyere daakye nyimpa a wobowo hon no begye Islam ato mu. Otuu amantu kor Madina ekyir no, akokoakoko soore a okyerere ntunhyedo, abotar nye ahohyedo. Se yeyi Nkomhyenyi Kronkon (NNN) n'abrabo nwanwansa no fi ho a, n'akadofu no so kyere akokodue nwanwanso bi osiande nna hon enyi da sunsum mu anohoba bi do.

Anohoba Mesia (ANN) no wo de aba de Nkomhyenyi Kronkon (NNN) no sunsum na demara na oye dem ntsi okaa kyere n'akadofu no de ono nye n'akadofu nyinara behyia atsetsee a oye dzen. Oannka de n'akwan ye mpa a wodze nhyiren esiesie ho mbom oye ahokyerere nye kwan a no mu ye dzen.

Hadhrat Khalifatul Masih kaa de onara so ka kyere Ahmadiyyafo aforfo no de abrabo wo Ahmadiyya mu no nnye mpa a wodze nhyiren esiesie ho. Huzoor kaa de onkyere biara na onye Ahmadiyyafo aforfo dzii ehyia na odze dem nsem yi too Ahmadiyyanyi bi a ofi Pakistan a obeyee Ahmadiyya nnkyere enyim. Obuaa de odze kor adwendwen mu yie ansaana oreye Bai'at na oye kradow yie de obefa atsetsee biara mu.

Mbasiafo egyaa hon ebusua mbom wonngyaa hon gyedzi. Osiande woatse ase de owo de woma gyedzi hia kyen wiadze ndzamba nyinara. Woeh de nkwa nye owu nyinara wo Nyankopon Ne nsa mu na hon a hon tsir aye yie nye hon a wokyerere ahohyedo na hon nye nkorofa a wonya Nyankopon Ne nhyira wo asaase yi do nye Ndaankamba. Iynom nnye nsem bi keke; wo Jama'at yi abakosem mu, aforbo a oye nwanwanso ahye mu ma. Ono nye de Anohoba Mesia (ANN) no kaa no ahyese no de demara no ndzamba boko na okaa bio de se hom hu dem a ma hom mma hom gyedzi nnihim ketseketse mpo, mbom hom mfa dem atsetsee yi mu na hom nkae de Nyankopon tua hon a wowo abotar nye ahokyedo kaw wo asaase yi do nye Ndaankamba.

Nyiyimu a yekankanee wo nyamesemka n'ahyese no so kasa fa iyi ho. Obiara fa nkwa nye owu mu. Okyeremu de nkwa nye owu nyinara wo Nyankopon Ne nhyehyee mu na owu a oba wo Nyankopon Ne dzin mu no odze enyigyesem a oye akotua papa nam. Ber a Khalid bin Waleed a nna oye sordaanyi kese wo Islam n'ahyese no da no wu mpa do no, ne nyenko bi koseraa no. Khalid bin Waleed hyee ase de orusu su a oye dzen. Nyenko no dween de oreye dem onam suro a owo ma owu, ntsi obisaa no de O! Khalid edze akokodur koe tsiaa atamfo no na afei ebenadze ntsi na ereye iyi onam owu ho suro ntsi? Okaa kyere nyimpa no de onyi tam a okata no sor no. Ber a oyii tam no ohun de no sor honam nyinara adan etwua nkotsee. Okaa kyere no bio de onyi tam a okata ne nan ho no na ohun de ne nan ho nyinara nso adan etwua. Khalid bin Waleed kaa kyere ne nyenko no de nna owo pe de nkye obowu wo Nyankopon No kwan mu naaso onyim se bon bi ntsi na woennwu wo Nyankopon No kwan mu no anaa. Iyi nye hon a wotsee afor sunsum ase no hon mpenpendo. Ampaara de Nyankopon dze enyigyesem a oye Aheman (Paradise) maa sordaanyi kokodurfo tse de Khalid bin Waleed.

Nyimpa kor so a okyerere aforbo sunsum mfatoho nye Sahibzada Abdul Latif Shaheed. Ohen no kor do ara kaa kyere no de ompoow Anohoba Mesia (ANN) na odze faahodzi dadaa no dem mbre obopow Anohoba Mesia (ANN) no. Mber nyinara nna Sahibzada Sahib no mbuae ara nye de Nyankopon redom no owu a odze nhyira bebere no, ebenadze ntsi na owo otwe noho fi iyi ho. Okaa de obeye nkwasemasem kese paa de obebisa biribi a otse dem. Ampaara de iyi nye gyedzinyi mapa biara enyimyam de mbre Nyankopon aka no de; 'wonndzi dew wo dza hon nsa aka no mu eso wonnye mberew wo mu eso wonnhye honho amen wo atamfo no enyim. Na Nyankopon do hon a wowo abotar nye ahohyedo.

Nde hen etiafo noso hon abaw mu agow osiande wontse ase de hen mbo hen mu adze mma hon. wonnhu no de da nyinara Ahmadiyyanyi biara hwehwe Nyankopon ho enyigye. Na Nyankopon akyere mpaa a obema obi egyina pintsinn wo ne gyedzi mu ommfa mpen ahorow a etiafo no bepe de wobe see ne gyedzi: 'O hen Ewuradze, fa hen mfom kye hen na mbordo a owo hen dwumadzi ahorow mu, na tsintsimm hen anamuontu na bo hen ho ban fir nkorofa a hen nngye ndzi no ho.

Wo ber a Nyankopon aka akyere hen de hen dan henho mbra ne nkyen no Wosan aka akyere hen de nkunyimdzi fir Noho na iyi ntsi woka akyere hen de hen dan hen ho mbra ne nkyen na hen nhwehwe no de mbre obeye a yebenya wiadze na hen wu akyir akyedzepa.

Wo Surah Al Imran n'ewie no, de mbre yeakyerekyere mu dada no, wama hen nsem a nkuranhye wo mu de mbre a obetsintsim hen gyedzi. Woka ne de hon a wodze hon nkwa to ho ma Nyankopon no nnwui. Nsemfua 'woewu' no se iyi ne nkyerease a owo ho no fir ho a okyerere dza nnkotum aye obi bi, anaa ono a n'ekyir no obiara nnyi ho a obotum ahye ne botaa mu anaa obi a ne wir ahoo na woye basaa. De mbre otse biara no nkorofa a wokum hon wo

Nyankopɔn Ne kwan mu no “wonnwui” naaso wɔka nkorɔfo no a wɔtse ase noho. Nyankopɔn No ara begyina ama nyimpa no ne mogyaa na dza otsia ebien no nekum no nnkɔma hɔn a woegya hɔn ekyir no hɔn gyedzi nkɔ famu, ma ɔwɔ hɔ nye dɛ dabiara no yebenya kuw a wɔdze hɔn nkwa bɔbɔ afar na dza otsia ebiasa, hɔn a woekum hɔn no benya gyinabew na ndzɛmba efir Nyankopɔn hɔ a ɔbɛma hɔn enyiwa agye na hɔn wu no nnkɔyɛ awɛrɛhow wu na mbom ɔyɛ wu a ɔdze enyigye bɛba. Wɔbɛka akyerɛ hɔn a woewu no wɔ dankwama dɛ nnye hɔn afarbɔ no nkotsee na ama hɔn a hɔn so wɔpɛ dɛ wɔbɔ afar no hɔn gyedzi akɔ sor na mbom ɔbɛyɛ kwan a ɔbɛma woedzi nkunyim wɔ etiafo no hɔn do. Dem afarbɔ yi, dem ahokyer yi na mber tiawa atsetsee no nnkotum ama hen mpunto egyina na onnkotum ama yeaye basaa. Nyankopɔn aka no wɔ Kor’an mu dɛ: ‘ampa ara dɛ nkorɔfo a wɔka dɛ, ‘hen Awuradze nye Allah’ ba wogyina pintsinn no, sor abɔfo san ba hɔn nkyɛn, bɛka dɛ: ‘mma hom nnsuro na mma hom nndzi awɛrɛhow; na hom ndzi ahurusw wɔ turow no a wɔdze ahyɛ hom bɔ no. (41:31)

Anohoba Mesia (ANN) akyerɛ mu dɛ: ‘Ɔno nye dɛ, hɔn a wɔka dɛ: Nyankopɔn nye hen Awuradze, na wɔtwe hɔnho fir nyame atorfo ho na wogyina pintsinn no, tse dɛ, wogyina pintsinn wɔ ahokyer na atsetsee mu no, abɔfo san hɔn do, san ma hɔn awɛrɛhyɛmu dɛ: mma hom nsuro na mma hom nndzi awɛrɛhow, na hom mma enyigye nhyɛ hom ma; na hom ndzi ewurse dɛ hom nsa aka enyigye no a wɔdze hyɛ hom bɔ no. Yɛyɛ hom anyɛnkofo wɔ asaase yi do na dankwaama.

Dem nyiyim yi kyere dɛ ibegyina pintinn no ma enya Nyankopɔn nkyɛn enyigye. Ɔyɛ nokwar, dɛ mbre wɔaka no, dɛ ibegyina pintsinn no kyɛn nsenkyerɛdze. Pintsinn gyina a owie pɛyɛ no nye mber a ahokyer etwa obi ho ehyia na nkwa na enyimnyam na dzin pa nyinara asɛɛ wɔ Nyankopɔn ntsi, na ahotɔ kwan biara nnyi hɔ, na woegyaa ɔno nko wɔ ahokyer mu, dem mber no onnyi dɛ n’abaw mu gow anaa ɔtwe san tsedɛ ohufo anaa ɔma ne gyedzi kɔyɛ basaa ketseketse mpo. Onnyi kwan dɛ ɔma ne nokwardzi na ne pintsinn gyina no mu ye mberɛw, ɔwɔ n’enyi gye n’enyinguase ho; ɔwɔ dɛ ɔyɛ ahobrase kɔ owu mu; onnyi dɛ ɔtwɔɛn ny nyenko bi dɛ ɔmbɛ bua no dɛ mbre ɔbɛma woegyina pintsinn. (The Philosophy of the Teachings of Islam’ pp 171-172)

Ɔwɔ dɛ hen mu kor biara bɔ no ho mbɔdzen na ɔdze si n’enyido dɛ ɔbɛyɛ tsedɛ mbre Anohoba Mesia (ANN) no akyerɛ mu no na iyi nnkɔyɛ yi gyedɛ Nyankopɔn N’adom. Sɛ obi bɔ mbɔdzen na ɔbɛyɛ tsedɛ iyi a, ɔno Nyankopɔn ba enyim na osuo no mu na dem mber yi na Nyankopɔn ma no enyigye-sem a ɔfa Heaven ho na iyi ntsi wɔakyerɛ hen pintsinn gyina ho mpaabɔ, mpaabɔ a ɔbɛma nkunyimdzi wɔ atamfo hɔn do. Iyi kyere dɛ sɛ otsie no a Nyankopɔn bue nkunyimdzi abobow wɔ kwan a ɔtamfo no nnkotum nnguan. Sɛ ɔyɛ Nyankopɔn Ne pɛ a ewie nkunyimdzi no hen dze tse mbre wɔhyɛ Anohoba Mesia (ANN) no bɔ no.

Hen nua kor so akɔka nkorɔfo no a wɔabɔ afarbɔ kese noho. Khalil Ahmad Sahib wokuu no wɔ Esusuow Akatseaba ne da otsia duesia wɔ Shiekhupura mantem, wɔ Pakistan. Inna Lillah wa Inna Ilaihi Raaji’uun. Wɔ esusuow Akatseaba ne da a otsia duebiasa no akasakasa bae wɔ ber a afamfam a ɔfa Ahmadiyya ne tsia ho woyii no. Ahmadiyya etiafo no fa iyi do dze yeɛ nhyiamu na wɔkaa kasa fi wɔ kasafir do na wosiw akwan na wɔkaa kyere polis fo dɛ wɔnkyere krataa ntsia Ahmadiyyafo. Ne dem ntsi wotsintsim nkrataa tsia Ahmadiyyafo anan: Mubasher Ahmad Sahib, Ghulam Ahmad Sahib, Khalil Ahmad Sahib, na Ahsan Ahmad Sahib na wɔdze hɔn to fiadze. Wɔ ber nkaafɔ no nyinara hɔn ahotɔ krataa bae ma woyii hɔn no na Khalil Ahmad Sahib ne dze da ho wɔ nyɛedo. Anadwofa wɔ

Esusuow Akatseaba ne da otsia duesia no, abrantse a wofre no Saleem baa bea a wodze Khalil toe no de odze edziban rebre no. Obisaa ma wokyerε no Khalil Sahib na oyi tu na otow Khalil Sahib wo n'enyim. Nyia odzii dem dwuma yi wokyer no na woyii Khalil Sahib fi fiadze ho naaso nna woewu. Wokyer nyia oyεε no dze naaso iyi nyinara risi wo banodzifo na polisfo hon when ano. Maulvifo no efura nkorofu hon enyiwa ara ma wose mber a okum Khalil Sahib wir no otsia mu de me nsa aka sor aheman no. Wo ber a Nyankopon na Ne Nkomhyenyi aka de ekum obi a oka Kalima no a w'asotwe nye bonsam gya mu no, Maulvifo no hon sem a woka no nye de hon nsa beka sor aheman no.

Khalil Shaheed n'ebusuafo fir Sheikhupura mantem. Odzii mfe eduosia kor na obegye n'ahom fir edwuma WAPDA ho nnkyeree. Na oyε Ahmanyi ohotsewnyi a oyε n'asor dabiara a Tahajjud so ka ho na onye Jama'at na Khilafat wo nkitahodzi a no mu ye dzen. Na ohwe Fida Nyamesemka na dwumadzi ahorow wo MTA do mber pii na odze bu kese ma nkorofu a wodze hon kra abo afar. Na oyε Ahmadiyyanyi nokwarfo a na n'enyi wo do de obosom nyimpa na wabowa ehiafo. Osanso som Jama'at yi wo kwan ahorow do. Woegya ekyir ne yer mba mbaa ebien na mba mbanyin ebien. Neba banyin kor wo Germany na kor so ye Kaid wo bea wotse no. hon kyerekyere a owo hon mantem no akyerew de na Khalil Sahib ye obi a obo mpaa paa na obo mpaa fir n'akoma mu.

Huzoor kaa de obeye efunsie som a woyε fun a onnyi ho no ama no. Huzoor san dze funsie sor ebien too gua.

Maulvi AhsanIllahi Sahib a oyε oyε Waqfe Jadid kyerekyeranyi fir mu Esusuow Akatseaba ne da otsi duesuon wo mfe eduowotwe ebiasa. Na otse London. Na oyε Anohoba Mesia (ANN) no n'ekyirdzifo kor, Rehmat Ali Sahib a Anohoba Mesia (ANN) yii no de onhwe nhyira a owo Bahishti funsiebea no do, ne ba. AhsanIllahi Sahib dze ne nkwa boo afar na oyεε edwuma de Waqfe Jadidi kyerekyeranyi kopem mfe 1999 a ogye n'ahom na onye ne mba baa London. Na oyε Moosi na otum tsintsim Jama'at bebiree wo mber a oyε edwuma no. Ogya ekyir mba mbaa anan na mba mbanyin ebiasa. Ne ba banyin kor ye sofo, Mahmood Ahmad Shams Sahib.

Nasreen Butt Sahiba wue wo Esusuow Akatseaba ne da otsia duawotwe onam akoma yarba. Odzi mfe eduanan kor. Na oyε ohotsewnyi, Nyamesuronyi na kuwba a odzi akotsen wo som no mu na otaa tua n'ebupen. Ne kun ewu mfe anan na fa nye. Ono nko na otsetsee ne mba na odze hon ben Khilafat na Jama'at no. na onye Khilafat wo nokwardzi nkitahodzi. Woegya ekyir mba mbanyin anan. Nyankopon mbo honho ban na oma hon nsa nka hon awofu hon mpaa.

Nyankopon ma nkorofu ebiasa woewu yi hon gyinabew do na oma hon bonfakye.

- Translated by:
1. Mr. Alhassan Kobina Atta-Wenchie
(Tutor in English Language, Jamiatul Mubashireen, Ghana)
 2. Maulvi Alhassan Bashir Annan Sahib
(Tutor, Jamiatul Mubashireen, Ghana)
 3. Rasheed Possible Essuman Sahib
(Second Year Student, Jamiatul Mubashireen, Ghana)
 4. Hafiz Naseem Ahmad Nyame Sahib
(Composer, First Year Student, Jamiatul Mubashireen, Ghana)

Downloaded from: www.jamiatulmubashireen.org

Contact: www.jamiatulmubashireen.org/contact-us